



ՀԱՎԵԼՎԱԾ

ԱՐՄԱՎԻՐ ՀԱՄԱՅՆՔԻ ԱՎԱԳԱՆՈՒ

2022 ԹՎԱԿԱՆԻ ՀՈԿՏԵՄԲԵՐԻ 28-Ի

ԹԻՎ 11 ՆԻՍՏԻ

ԹԻՎ 197-Ա ՈՐՈՇՄԱՆ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ԱՐՄԱՎԻՐ ՀԱՄԱՅՆՔԻ ՔԱՂԱՔԱՇԻՆԱԿԱՆ ԿԱՆՈՆԱԴՐՈՒԹՅՈՒՆ**

Սույն կանոնադրությամբ սահմանվում են Հայաստանի Հանրապետության Արմավիրի մարզի Արմավիր համայնքի տարածքում քաղաքաշինական գործունեության իրականացման առանձնահատկությունները՝ ելնելով համայնքի պատմականորեն ձևավորված ավանդույթների և պատմաճարտարապետական միջավայրի պահպանման անհրաժեշտությունից:

**I. ԸՆԴՀԱՆՈՒՐ ԴՐՈՒՅԹՆԵՐ**

- 1.1. Համայնքի քաղաքաշինական կանոնադրությունը մշակվել է որպես առանձին փաստաթուղթ և այն պարտադիր հաշվի է առնվելու համայնքի քաղաքաշինական ծրագրային փաստաթղթերի նախագծման ընթացքում:
- 1.2. Քաղաքաշինական կանոնադրությամբ ամրագրված պայմանները ներառվում են համայնքի ղեկավարի կողմից կառուցապատողին տրամադրվող ճարտարապետահատկագծային առաջադրանքում:

**II. ՀԱՄԱՅՆՔԻ (ԲՆԱԿԱՎԱՅՐԻ) ՔԱՂԱՔԱՇԻՆԱԿԱՆ ԱՎԱՆԴՐՈՒԹՅՆԵՐԸ (Ճարտարապետության առանձնահատկությունները և շինարարության տեխնոլոգիաները)**

- 2.1. Արմավիր համայնքը կազմավորվել է 11 համայնքների՝ Արմավիր քաղաքի, Սարդարապատ, Այգեվան, Լենուդի, Արաքս, Նորավան, Լուկաշին, Խանջյան, Հացիկ, Մյասնիկյան և Մայիսյան գյուղերի միավորմամբ: 1929 թ. կազմվել է Արմավիր քաղաքի առաջին հատկագիծը Ալեքսանդր Թամանյանի կողմից, որի հատկագծման հիմքում դրվել է քաղաք-այգու գաղափարը: Հենց թամանյանական հատկագծի լուծումն է հանդիսանում այսօրվա Արմավիր քաղաքի կենտրոնական հորինվածքային միջուկը: Համաձայն գլխավոր հատկագծի՝ Արմավիր քաղաքի կարևոր հատված է հանդիսանում հարավ-արևմուտքից դեպի հյուսիս-արևելք ձգվող 1200մ երկարությամբ Հանրապետության փողոցը, որի շուրջ տեղաբաշխվում են հասարակական և բազմաբնակարան շենքեր: Այն սկիզբ է առնում «Սարդարապատ» երկաթուղային կայարանի մուտքից և ավարտվում է կանաչ պտուղներով շրջապատված կիսաշրջանաձև հրապարակով: Հանրապետության փողոցի երկու կողմերով տեղաբաշխված են երկայնական և լայնական փողոցներ, որոնց շնորհիվ ստեղծվում է ուղղանկյուն կանոնավոր ցանց, իսկ կենտրոնական հրապարակի շուրջ ստեղծվող կամարաձև փողոցները ամփոփում են քաղաքի կենտրոնի հատկագիծը: Նշված հատվածում կառուցված են անհատական մեկ-երկու հարկանի տներ, բազմաբնակարան բնակելի երեքից հինգ հարկանի շենքեր, կրթական, առողջապահական, վարչական երկու-երեք հարկանի կառույցներ և երկաթգծի համալիր: Կենտրոնական մասում գտնվող շենքերի ճակատային մասերի ձևավորման համար օգտագործվել են տուֆ քարեր կարմիր և սև գույների համադրությամբ, ինչպես նաև վարդագույն տուֆ քար: Արմավիր քաղաքի Մշակույթի տունը և երկաթուղային կայարանի համալիրի շենքերը կառուցված են ավանդական հայկական ճարտարապետության ոճով: Իսկ քաղաքի վարչական և բազմաբնակարան բնակելի շենքերը կառուցված են սովետական ճարտարապետության ոճով: Սարդարապատ գյուղի Աբ. Աստվածածին եկեղեցին բազիլիկ տիպի կառույց է՝ կառուցված տուֆ տեսակի քարից: Արաքս գյուղում գտնվող Սարդարապատի ճակատամարտի հերոսներին նվիրված հուշահամալիրը բաղկացած է ինքնուրույն ճարտարապետական և քանդակագործական կոմպոզիցիաներից և կառուցված է կարմրանարնջագույն տուֆ քարից:
- 2.2. Նկարագրությունը հիմնավորվում է համապատասխան լուսանկարներով, գծագրերով:



Տես 2.1 կետի հավելվածը:

### III. ՀԱՄԱՅՆՔՈՒՄ ԱՌԿԱ ՊԱՏՄԱՄՇԱԿՈՒԹԱՅԻՆ ՀՈՒՇԱՐՁԱՆՆԵՐԸ

- 3.1. Արմավիր համայնքում առկա են մի շարք պատմաշակութային հուշարձաններ, որոնք տեղակայված են ինչպես Արմավիր քաղաքի, այնպես էլ համայնքի մաս կազմող գյուղերի տարածքներում: Արմավիր քաղաքի հիմնական պատմաշակութային հուշարձաններն են Երկրորդ աշխարհամարտում զոհվածների հուշարձանը (ԵԱԶ)՝ տեղակայված քաղաքային զբոսայգում, քաղաքի գլխավոր հրապարակի համակառուցի մաս կազմող Մշակույթի տունը՝ կառուցված 1955 թ., և Երկաթուղային կայարանի համալիրը: Աղասի Խանջյանի հուշարձանը՝ տեղակայված Խանջյան գյուղում, նույնպես կարևոր պատմաշակութային արժեք է ներկայացնում, քանի որ գյուղը անվանակոչվել է ի պատիվ Հայաստանի հերոս Աղասի Խանջյանի: Սարդարապատ գյուղում նույնպես առկա է հուշարձան՝ նվիրված Երկրորդ աշխարհամարտի զոհերին, ինչպես նաև գյուղացիների ջանքերով 1882 թ. կառուցվել է Սբ. Աստվածածին եկեղեցին: Մյասնիկյան գյուղում առկա են երեք դամբարանադաշտ, որոնք թվագրվում են մ.թ.ա. 2-1 և 3-2 հազարամյակներ և համապատասխանաբար տեղակայված են բնակավայրի արևելյան մասում կամ ձգվում են 3.5 կմ դեպի հյուսիս: Համայնքի գլխավոր պատմաշակութային հուշարձանը Արաքս գյուղում գտնվող Սարդարապատի ճակատամարտի հերոսներին նվիրված հուշարձանն է:
- 3.2. Տվյալները հիմնավորվում են պատմության և մշակույթի անշարժ հուշարձանների պեղական ցուցակներով, համապատասխան լուսանկարներով:
- Տես 3.1 կետի հավելվածը:

### IV. ՊԱՀՊԱՆՄԱՆ ԵՆԹԱԿԱ ՇԵՆՔԵՐ, ՇԻՆՈՒԹՅՈՒՆՆԵՐ

- 4.1. Համայնքի տարածքում գտնվող և համայնքի համար կարևոր նշանակություն ունեցող շենքերը և շինությունները.
1. Արմավիր քաղաք
    - Մշակույթի տուն (քաղաքի կենտրոնական հրապարակում), 1955 թ., ճարտարապետ՝ Ռ. Ալավերդյան
    - Երկաթուղային կայարանի համալիր (շուրջ 3 շենք), 20-րդ դար, 1929 թ.
  2. Սարդարապատ գյուղ
    - Սբ. Աստվածածին եկեղեցի, 19-րդ դար, 1882 թ.
  3. Արաքս գյուղ
    - Հուշահամալիր Սարդարապատի ճակատամարտի հերոսներին, 1968 թ. ճարտարապետ՝ Ռ. Իսրայելյան, քանդակագործ՝ Ա. Հարությունյան
    - Հայաստանի ազգագրության պեղական թանգարան, ճարտարապետ՝ Ռ. Իսրայելյան, նկարիչ՝ Վ. Մարտիրոսյան
    - Ռեստորանի շենք «Վարդավառ», 1970 թ.
- 4.2. Տվյալները հիմնավորվում են համապատասխան լուսանկարներով, գծագրերով:

### V. ՀԱՄԱՅՆՔԻ ՏԱՐԱԾՔՈՒՄ ԽՐԱԽՈՒՍՎՈՂ ՃԱՐՏԱՐԱՊԵՏԱԿԱՆ ՈՃԸ ԵՎ ՇԻՆԱՐԱՐԱԿԱՆ ՏԵԽՆՈԼՈԳԻԱՆ

- 5.1. Համայնքի տարածքում խրախուսվող ոճերն են հայկական ազգային, եվրոպական, սովետական, և մոդերն:

#### 1. Շենքերի և շինությունների ծավալային ու ճարտարապետահատակագծային լուծումներին, ինչպես նաև դրանց առանձին մասերին ներկայացվող պահանջները

ա. Ավանդական քաղաքաշինական և ճարտարապետական լուծումներ, քաղաքի մնացած հատվածներում ճարտարապետական ժամանակակից լուծումներ մինչև 3-ից 5-հարկանի, քաղաքաշինական կարևոր հանգույցներում՝ անհրաժեշտության դեպքում մինչև 7-հարկանի,



- բ. շենքի ճակատային մասի արտաքին բացվածքների (դռներ, պատուհաններ, ցուցափեղկեր) ձևավորումը՝ քաղաքաշինական միջավայրին, պահանջներին և ավանդական լուծումներին համապատասխան:
- գ. շենքի տանիքներն ու շենքերի հորիզոնական հարթությունները («հինգերորդ ճակատ»), ինչպես նաև ճակատները (ֆրոնտոնները), մանսարդները, ձեղնանցքները, եզրապատերը (պարապետները) և այլն:
- շենքերի տանիքները կարող են լինել լանջավոր, հարթ և համալրելված: Ծածկերը կարող են լինել թիթեղա, կղմինդր, «Հինգերորդ ճակատ» կարող են լինել կանաչապատ, ջրային մակերեսներ, սպորտային հարթակներ:
- դ. շվաքարանները (տեմպերը, մարկիզաները)՝ շենքերի ճարտարապետական լուծումներին համապատասխան, հաշվի առնելով ավանդական լուծումները:
- ե. շենքի ճակատների և տանիքի հարդարման նյութերն ու երանգավորումը, արտաքին լուսավորությունը, ճակատների համար տեղական տուֆ, բազալտ, գրանիտ, տրավերտին և այլ շինաքարեր՝ բաց բեժ, կարմիր, վարդագույն, սև, դարչնագույն երանգավորումներով: Արտաքին լուսավորությունը շենքերի ճակատների լուծումներին համապատասխան:

## 2. Փողոցների, անցումների, հետիոտն ճանապարհների ու հեծանվաուղիների (ճանապարհային ցանց), հրապարակների, ներքին բակերի և հարթակների կառուցվածքին ու ձևավորմանը, ավտոկայանատեղիների կազմակերպմանը ներկայացվող պահանջները

- ա. ճանապարհային ծածկույթը (նյութը, դեկորատիվ տարրերը և գունային լուծումները)՝ ծածկույթը – ասֆալտ, կանոնավոր կտրվածքի տուֆ քար, չորսվասալ (բրուսապակա) մայթերին՝ ասֆալտ, բազալտ, կանոնավոր կտրվածքի տուֆ քար, արհեստական սալիկներ (մոխրագույն, կարմիր, սև, դեղին):
- բ. համայնքն սպասարկող տրանսպորտի համար նախատեսված կանգառների ձևավորումը՝ տեղանքին և միջավայրին համապատասխան՝ թեթև կոնստրուկցիաների կիրառմամբ:
- գ. հաշմանդամների և բնակչության սակավաշարժուն խմբերի տեղաշարժման համար անհրաժեշտ կահավորանքը (թեքահարթակներն ու հատուկ հարմարանքները՝ լուսային, ձայնային և այլ նախազգուշացման միջոցներով)՝ կառավարության որոշմամբ հաստատված կարգին և նորմատիվ պահանջներին համապատասխան:
- դ. ֆունկցիոնալ ձևավորումը, կանաչապատումը և կահավորանքը (փոքր ճարտարապետական ձևեր կամ դեկորատիվ արվեստի նմուշներ, զրուցարաններ, շվաքարաններ, նստարաններ, շափրվաններ, դեկորատիվ ջրավազաններ, կանաչ տնկարկներ, այդ թվում՝ ուղղահայաց կանաչապատում և այլն՝ տեղանքին և միջավայրին համապատասխան ժամանակակից լուծումներ՝ ավանդականի պահպանմամբ:
- ե. ճանապարհային ցանցին հարող պարիսպների, ցանկապատերի (այդ թվում՝ դալար ցանկապատերի) կառուցվածքին, նյութին ու ձևավորմանը ներկայացվող պահանջները:
- տեղանքին և միջավայրին համապատասխան ժամանակակից լուծումներ՝ ավանդականի պահպանմամբ:

## 3. Լանդշաֆտին, այգեպուրակային շինարարությանը և կանաչապատմանը ներկայացվող պահանջները

- ա. ընդհանուր օգտագործման կանաչ տարածքների և հեփիոտն շարժման ակտիվ գոտիների կանաչապատումն ու բարեկարգումը (փոքր ճարտարապետական ձևեր, ջրային մակերեսներ, շափրվաններ, նստարաններ, տաղավարներ, զրուցարաններ և բարեկարգման այլ տարրեր)՝ տեղանքին և միջավայրին համապատասխան ժամանակակից լուծումներ՝ ավանդականի պահպանմամբ:
- բ. այգեպուրակային շինարարության կազմը (հենապատեր, ծառուղիներ, հարթակներ, աստիճաններ, ինչպես նաև ծառեր, թփեր, սիզամարգեր, ծաղկաթմբեր և գալարվող բույսեր, դեկորատիվ բուսական ծածկույթ, բազմամյա և միամյա բույսերի տեսակներ, կանաչապատման և բարեկարգման այլ միջոցներ)՝ տեղանքին, միջավայրին և կլիմային համապատասխան:
- գ. անհրաժեշտության դեպքում՝ քամու դեմ պաշտպանական գոտու ստեղծման միջոցառումները (ծառատունկ, կանաչ ծածկույթների իրականացում տեղական ավանդական տնկանյութերի տեսակներից՝ տարբեր բարձրության բույսերի զուգակցմամբ)՝ բարդիներ, միջին բարձրության թփեր տեղական կլիմային համապատասխան, ավանդական տնկանյութեր: